

瘟

疫

明

辨

瘟疫明辨卷之四

汗法

時疫貴解其邪熱而邪熱必有着落。方着落在肌表。非汗則邪無出路。故汗法為治時疫之一大法也。但風寒汗不厭早。時疫汗不厭遲。風寒發汗必兼辛溫。辛熱以宣陽。時疫發汗必兼辛涼。辛寒以救陰。風寒發汗治表不犯裏。時疫發汗治表必通裏。其不同有如此。故方疫邪傳變出表時。輕者亦可得表藥而汗散。若重者雖大劑麻黃羌活亦無汗也。以伏邪發而未盡之故。亦有

不用表藥。而自汗淋漓。邪終不解者。蓋此汗緣裏熱鬱蒸而出。乃邪汗。非正汗也。必待伏邪盡發。表裏全徹。然後或戰汗。或狂汗而解。所謂汗不厭遲者。此也。辛涼發汗。則人參敗毒散。荆防敗毒散之類是。辛寒發汗。則大青龍丸。味羌活。大羌活之類是。發表兼通裏。則吳氏三消飲。六神通解散。防風通聖散之類是。更有不求汗而自汗解者。如裏熱閉甚。用大承氣以通其裏。一不已而再。三不已而三。直待裏邪逐盡。表裏自和。多有戰汗而解。此不求汗而自汗解者一。又如裏熱燥甚。病者思得

涼水。久而不得。忽得痛飲。蓋落枕而汗大出。汗出即解。此不求汗而自汗解者二。又如平素氣虛。屢用汗藥。不得汗。後加人參於諸解表藥中。覆杯立汗。此不求汗而自汗解者三。又如陰虛及奪血。枯竭之極。用表藥全無汗。用大滋陰潤燥生津藥數劑。而汗出如水。此不求汗而自汗解者四。總之。疫邪汗法。不專在乎升表。而在乎通其鬱閉。和其陰陽。鬱閉在表。辛涼辛寒以通之。鬱閉在裏。苦寒攻利以通之。陽亢者。飲冰以濟其陰。竭者。滋潤以回其燥。氣滯者。開導。血凝者。消瘀。必察其

表裏無一毫阻滯。乃汗法之萬全。此時疫汗法。理不同於風寒。謹撮諸汗症。詳列於左。

發熱 惡寒 無汗 頭項痛 背痛 腰痛

肩臂痛 膝胫痛 周身肢節痛

### 下法

時疫下法。與傷寒不同。傷寒下不厭遲。時疫下不厭早。傷寒在下其經結。時疫在下其鬱熱。傷寒裏症當下。時疫待表症全罷。時疫不論表邪罷與不罷。但兼裏症即下。傷寒上焦有邪不可下。必待結在中下二焦方可下。

痰上焦有邪亦可下。若必待結至中下二焦始下則危。  
下之不通而死者。傷寒一下即已。仲景承氣諸方。多寒  
過三劑時疫用下藥。至少三劑多則有一二十劑者。雖  
疫下法有六。結邪在胸上。貝母下之。貝母本非下藥。因  
至兩許即解。結邪在胸及心下。小陷胸下之。結邪在胸  
脇連心下。大柴胡湯下之。結邪在臍上。小承氣湯下之。  
結邪在當臍及臍下。調胃承氣湯下之。痞滿燥實。三焦  
俱結。大承氣湯下之。此外又有本質素虛。或老人久病。  
或屢汗屢下後下證雖具。而不任峻攻者。則麻仁丸。蜜

煎導法。猪膽導法為妙。下法之輕重緩急。總以見證為主。詳列於後。

急下證

舌乾 舌卷 舌短 舌生芒刺 舌黑 齒燥  
鼻如烟煤 胸腹滿痛 狂 沉昏 發熱汗多  
身冷 呃逆

當下證

舌黃 譫語 善忘 多言 協熱利 頭脹痛

煩躁

緩下證

舌淡黃胎

微渴

大便閉

小便黃赤

潮熱

齒燥

以上諸症。緩下者不下。則必漸重而為當下症。當下者緩下。則必加重而為急下症。急下者失下。則雖下之多不通。而致結熱自下逆上。服滿直至心下。又逆上透過腸膜。有至胸滿如石。咽喉不利。目直視反白。或睛盲。瞳散。耳聾。九竅不通。雖有神丹。莫之能救矣。外更有蓄血蓄水諸下法。前已略見諸條。茲再詳列。



以便翻閱。

蓄水證

小便不利 大便微利

蓄血證

小便自利 大便黑 他若蓄水蓄血在胸脇不當  
下者此不贅。

清法

時疫為熱證。未有不當清者也。其在表宜汗。使熱從汗  
洩。汗法亦清法也。在裏宜下。使熱從下洩。下法亦清法

也。若在表已得汗而熱不退。在裏已下而熱不解。或  
來有熱無結。則惟以寒涼直折。以清其熱而已。故清法  
可濟。汗下之不逮。三者之用。可合而亦可分。時疫當清  
者。十之六七。則清法不可不細講也。凡清熱之要在視  
熱邪之淺深。熱之淺者。在營衛。以石膏黃芩為主。柴胡  
葛根為輔。熱之深者。在胸膈。花粉知母。葦仁。梔子。豆豉  
為主。熱在腸胃者。當用下法。不用清法。或下而兼清亦  
可。熱入心包者。黃連犀角。羚羊角為主。熱直入心臟。則  
難救矣。用牛黃。猶可十中救一。須用至錢許。少則無濟。

非若小兒驚風諸方，每用分許，即可有效。當清諸症，詳列於左。

熱在營衛證

身熱汗自出，不惡寒反惡熱，身重，頭面頤紅，

腫，周身紅腫，斑疹，鼻孔乾，唇燥，煩躁，

遺尿，舌胎白，

熱在胸膈證

身熱反減，渴，嘔，欬，咽乾，譫語，多言，

胸前紅腫，舌胎厚白，

熱在腸胃證

便血 便膿血 餘悉見下證條中

熱在心包及心證

狂 沉昏 多睡 舌黑

和法

寒熱並用之謂和。補瀉合劑之謂和。表裏雙解之謂和。平其亢厲之謂和。所謂寒熱並用者。因時疫之熱。夾有他邪之寒。故用此法以和之也。凡方中有黃連與生薑同用。黃芩與半夏同用。石膏與蒼朮同用。知母與葶果

同用者皆是。所謂補瀉合用者。因時疫之邪氣實。人之正氣虛。故用此法以和之。凡方中有參芪歸芍。與硝黃枳朴同用者。是所謂表裏雙解者。因疫邪既有表症。復有裏症。故用此法以和之。凡方中有麻葛羌防柴前。與硝黃梔苓苓澤枳朴合用者。是所謂平其亢厲者。因時疫之大勢已去。而餘邪未解。故用此法以和之。或用下法而小其劑料。緩其時日。或用清法而變其湯劑。易為丸散者。皆是。凡此和法。雖名為和。實寓有汗下清補之意。疫邪尤有宜和者。凡熱不清。用清涼藥不效。即當

其熱之所附麗。蓋無所附麗之熱。為虛而無形之氣。如  
盛夏炎蒸。遇風雨即解。故人身之熱。氣清即退。有所附  
麗之熱。為實而有物。如洪爐柴炭。雖沃以水。尤有沸騰  
之憂。必撤去柴炭而熱始退。凡熱之所附麗。非痰即滯  
非滯即血。徑清其熱。不去其物。未能有效。必視其附麗  
何物。於清熱諸方。加入何藥。效始能捷。此和法之精微  
神變者也。宜和之症。詳列於左。

寒熱往來

盜汗

口苦

咽乾

頭眩

舌強

渴

胸脇滿

耳聾

小便黃

嘔吐

下利

而心下

痛 口乾舌強而惡寒 大小便閉而寒熱 痞滿  
而悸 二便自利而舌胎 形體瘦損而舌胎 凡  
此表裏虛實寒熱相兼者不可枚舉。引此數端。可以  
類推。其有似和而實非和證者。詳後辨似條。

### 補法

時疫本不當補。而有屢經汗下。清解不退者。必待補而  
愈。此為病藥所傷。當消息其所傷在陰在陽。以施補陰  
補陽之法。疫邪為熱症。傷陰者多。然亦有用藥太過反  
傷陽者。則補陰補陽。又當酌其輕重。不可偏廢。凡遇用

汗下清和而煩熱加甚者當補陰以濟陽所謂寒濕  
寒責其無水者是六味四物生脉養榮諸方酌用若既  
汗下清和熱退而昏倦痞利不止者當補陽所謂補  
以却邪者是四君異功生脉六君理中建中附子等湯  
的用諸症詳後

當補陰證

舌乾無胎 舌黑無胎 耳聾 目直視 目不明  
服清涼藥渴不止 服清涼藥煩熱加甚 服攻  
下藥舌胎愈長 服攻下藥舌胎芒刺燥裂愈甚



服清涼藥身熱愈甚。身體枯瘦。用利水藥小便  
愈不通。腰膝痠軟。周身骨節痛不可移動。多  
睡。

當補陽證

多冷汗。汗出身冷。經日不回。小便清而多。大  
便利清穀。嘔吐用清熱開導藥愈甚。自利用清  
下藥愈甚。痞滿。

外此更有四損。四不足。三復症。當補。詳見後。

四損

大勞大慾大病。久病後。為四損。氣血兩虛。陰陽並竭。後受疫邪。正虛則邪入愈深。邪深則傳化難出。汗下傷正。而正脫。補助鬱邪。而邪鉅。多不可治。然補瀉兼施。間有愈者。有補瀉合用之法。有先補後瀉之法。有先瀉後補之法。凡人參敗毒散。人參白朮湯。黃龍湯。竹葉石膏湯。皆補瀉合用之法也。先用補劑。後施汗下。先補後瀉之法也。先用汗下。後施補劑。先瀉後補之法也。當詢病之來路。斟酌施治。尤當審現在之症。若純見實證。亦不可以疑似之見誤人。大凡周身俱見大實大熱之症。而一

二處微見虛象。則吃緊照顧其虛。周身俱見虛象。而一二處獨見實症。則吃緊斡旋其實。此治病之權衡也。若夫汗之而表症愈增。如頭痛身痛更甚之類。清下而裏症愈增。如煩渴痞滿更甚之類。則大虛有盛候也。急宜補之母疑。既辨其症。尤當細辨其脉。凡遇脉之浮候盛大者。須謹察其沉候有無力處。六部脉皆盛者。須謹察其一部有獨無力處。果得其一部一候之真無力。便可畧其諸部諸候之假有餘。從而施治。有獨見若神之妙。夫既詢得其來路之大槩。又察得其輕重之確憑。再加

之脉理精詳。則燭照無遺矣。其損證之狀甚多。當參錄四不足條看。

### 四不足

四損由人事。四不足由天稟。四損在暫時。四不足在乎素。然四不足。亦有由四損而來者。不可以四損之外。便無不足。四不足者。氣血陰陽也。氣不足者。少氣不足以息。語言難出也。感邪雖重。反不成脹滿痞塞。凡遇此症。縱宜宣伐。必以養氣為主。血不足者。面色痿黃。唇口刮白也。感邪雖重。面目反無陽色。縱宜攻利。必以養血為

主陽不足者。或四肢厥逆。或肌體惡寒。恒多泄瀉。至夜益甚。或口鼻冷氣。受邪雖重。反無發熱。胎刺燥渴。月過此等症。縱欲攻利清熱。必先之以溫補。待其虛回。實証全見。然後以治實之法治之。陰不足者。自然五液枯乾。肌膚甲錯。感邪雖重。應汗無汗。應厥不厥。遇此等症。縱宜攻利。必先之以養陰。待其氣化津回。邪多不治自退。設有未退。酌用清利。攻利若早。其病益甚。以上四不足。合前條四損。絕不可正治其邪。必以養正為要。先服養正藥。待其實証悉見。方可攻邪。若服攻邪藥。虛証復見。

仍當調補其虛。養正以和邪。祛邪以安正。互相加減。迭為進退。直待邪盡去而正不傷。方為善治。

### 三復

三復者。勞復。食復。自復也。勞復者。大病後因勞碌而復也。不必大費氣力。即梳洗沐浴。亦能致復。則復熱諸證復起。惟脉不沉實為辨。輕者靜養自愈。重者必大補以調其營衛。和其臟府。待其表裏融和方愈。誤用攻下。清涼必致不救。安神養血湯主之。若因飲食過多而復者。舌胎必復黃。輕則損穀自愈。重則消導始愈。若無故

自復者。乃伏邪未盡也。當問從前所見何證。服何藥而解。今仍用前藥。以滌其餘邪。則愈。時疫復症。有復至再三者。屢復之後。必兼四損。四不足症。宜參前條加減進退之法治之。

辨似

凡病皆以虛實寒熱四字為大綱。時疫何獨不然。但虛實寒熱之真者易辨。似者難辨。前所列時疫表裏諸證。皆實邪熱邪。而實熱中亦有虛寒。四損四不足。皆虛邪寒邪。而虛寒中亦有實熱。余於逐條下已細辨之矣。

有實症似虛。、症似實。熱症似寒。、症似熱。尤不可不  
細辨。故復通論而詳述之。所謂實症似虛者。即以表症  
論之。頭痛發熱。邪在表也。其脉當浮。證當無汗。而反自  
汗。脉無力。用發表藥。而身反疼痛。則似虛矣。故人惑於  
多自汗。而誤用桂枝湯者有之。惑於脉無力。而引仲景  
太陽篇。發熱惡寒。脉微弱。為無陽。而誤用建中湯者有  
之。惑於身疼痛。而引仲景若不瘥。身體疼痛。當溫其裏。  
誤用四逆湯者有之。不知此等症。在時疫中。皆在表實  
症之似虛者也。其自汗者。疫熱自裏蒸出於表。非表虛



也。其脉無力者。熱主散漫。散漫則脉軟。非比寒主收斂。而脉緊也。身體反疼者。伏邪自裏而漸出於表。非比陽虛不任發表也。此表症之實症似虛者也。又以半表半裏論之。寒熱往來。胸脇滿。邪在半表半裏也。其脉當弦。其口當渴。而有脉反沉。口不渴者。則似寒矣。故人惑於脉沉。而以胸脇滿為太陰。口不渴為內寒。而誤用理中者有之。不知此症在時疫中。皆半表半裏。熱症之似寒者也。其脉沉者。邪伏在募原而未出表。故脉不浮。非陽虛也。其不渴者。邪未傳變。未入胃府。故不能消水。非內

此半表半裏之似寒者也。又以裏症論之。口燥咽  
不得臥。邪在裏也。其脉當滑。其身當熱。其便當結。按  
自作洪。論云。滑者。陰氣有餘也。主痼飲。宿食。吐逆。諸症。  
為氣血燔灼之候。主煩。主咽乾。表裏俱熱。二便瀉。傷  
於風。而脉反沉微瀯弱。身反四逆厥冷。大便自利。則  
全似虛冷矣。人惑於脉之沉微弱瀯。而用參芪者有之。  
惑於厥逆。而用桂附者有之。惑於自利。而用參朮乾薑  
者有之。不知此等症。在時疫皆裏熱之似寒也。裏實之  
似虛也。其脉沉微弱瀯者。乃邪熱結於腸胃。氣不達於  
營衛也。其身及厥冷者。邪熱結於裏。結於下。氣不達於

外。通於上也。其自利者。乃熱結旁流也。此裏證之實證。似虛。熱症似寒者也。總之時疫為熱因。與風寒之寒因大異。故脉症雖有似虛似寒之時。而一辨其為時疫。則屬邪自外至。

假象明眼人

不當為所惑也。所謂虛證似實者。即以表證論之。頭痛。發熱。身疼痛。自汗。脉浮大。邪在表也。而屢用表散。清涼藥。不惟不減。其症轉甚者。非藥力之不到。乃正氣不能傳藥力達表。陰液不能隨陽氣作汗也。此邪在表時。虛証之似實者也。氣虛者。加參芪於表藥。即汗。陰竭者。加

潤劑於表藥即汗。若不知其氣血之兩虧而宣表不已。勢必暴厥而成脫症矣。更以半表半裏論之。胸脇痛耳聾。嘔吐如瘡狀。脉弦。邪在半表半裏也。而屢用和解消導藥。不惟不減。其症更加者。非藥力之不到。乃中焦膽胃傷而氣不運。肝木傷而火燥逆也。此疫邪在半表半裏時。虛症之似實者也。必合四君六君於和解藥中。合四物於清解藥中。始能戰汗而解。若更消導清解不已。必至胃氣絕而死。更以裏症論之。舌胎黃黑裂燥芒刺。胸腹脇臍硬痛。大小便閉六脉數大。邪在裏也。而屢用

攻利藥。或終不得利。或利後更甚。非藥力之不峻。乃正氣不能傳送腸胃。血液不能滋潤腸胃也。氣虛者。助氣以資傳送。血枯者。養陰以藉濡滑。氣行津化。方得通利。此疫邪傳裏時。虛證之似實者也。若不知其虧竭。而恣意攻利。必沉昏痿頓而死。總之藥不中病。則傷正氣。傷其下。則正氣浮越而上逆。傷其中。則正氣解散而外張。厥症雖有似實似熱之時。而一詢其來路。若治之太過。則屬氣從內奪。正氣奪則虛。明眼人不當為所惑也。夫證而虛實互異。用藥雖殊。而生死攸分。將以何者為

之把柄乎。曰。以開卷所列氣色神脈舌胎。辨其是  
非。疫。以曾經誤治與未經誤治。辨其時疫之為實  
虛。扁則得其大綱。更細玩前所列各症。條分縷析之詳。  
若得其細目。則似是而非之症。斷不能惑矣。余於前各  
條下。每症已細辨其虛實。而此復重言以通論之者。正  
以前散見於諸條。恐讀者畧過。故復總論以提撕其為  
吃緊處也。至若寒症似熱。則傷寒諸症有之。時疫絕無。  
故不論及云。

遺症屬病後不表裏症

發腫

時疫大勢已平。寒熱已解。而面目肢體浮腫。有食滯中宮。水停心下。氣復未歸三種。當分別以施治。食滯中宮者。乃病後脾胃大虛。不能消穀。病者胃中枯燥。偏欲多食。停心下臍上。則水不得上輸於肺。亦不能通水道下輸膀胱。故溢於肢體。而為浮腫。其症以心下臍上有硬處。按之則痛為異。小便或利或不利。當用平胃散加枳實。山查。麥芽。萊菔子。青皮。神麴為主。硬處消。則腫自愈。或加苓澤。兼利水亦可。水停心下者。乃脾虛不能

消水也。與食滯異者。心腹無硬痛。小便不利也。用苓澤  
車前未通之類。利其小便而愈。氣復未歸者。吳又可所  
謂病後氣復血未復。氣無所歸。故作腫也。不可治腫。調  
其飲食。節其勞役。靜養自愈。其異於停水食滯者。水停  
身重。小便不利。氣腫身輕。小便自利。食滯腹中有結。氣  
腫腹中自和也。

### 發頤

時疫愈後。有發頤者。乃餘熱留於營血也。速以解毒清  
熱活血疎散為主。誤則成膿不出而牙關不開。咽喉不



利多不能食而死。毒內陷而復舌燥神昏亦死。出膿後氣虛血脫亦死。故宜早治也。古方以普濟消毒飲為主。發在耳後。以柴胡川芎為君。在項下。以葛根為君。在項後或巔頂。加羌防。此症不可輕補於未潰之先。補早必成膿。尤不可純用寒涼於將發之際。恐閉遏而毒不得出。故必兼疎散為要。外治以蔥水時時浴之。

發瘡

瘡發後。發瘡者極多。餘熱淫於肌肉也。多服清涼養藥自愈。

發瘰

瘰愈後。四肢不能動移者。熱傷筋脉也。吳氏諸養榮  
湯酌用。輕者粥食調理自愈。

索澤

時疫愈後。身體枯瘦。皮膚甲錯者。熱傷其陰也。養陰為  
主。吳氏諸養榮湯酌用。亦有粥食調理自回者。

發蒸

時疫愈後。有發骨蒸如勞瘵者。乃餘熱留於陰分也。不  
可以其羸瘦。而遽用虛損門治法。必察其六府有結邪。

瘰瘵明辨

卷四

則仍攻其邪為主。次察其經絡有壅滯。則仍通其壅滯為主。次察其氣道有痰涎。則仍利其痰涎為主。數者俱無。然後以清熱為主。或無邪而陰傷。方可純用養陰之藥。或分其餘邪之輕重。虧損之多少。而兼用養陰清熱藥。進退加減以和之更妙。

### 婦人

婦人時疫。悉與男子同。惟當經期則治法畧異。以其關乎血室也。凡遇感疫值經期者。治法必兼少陽。以少陽與厥陰為表裏。厥陰為血室。血室一動。邪必乘虛而犯。

之。須分適來因受病而止。適來受病而自行。適斷而受病三種。則虛實自見。凡經水適來而受疫氣遽止者。必有瘀血。要再察其脇腰少腹。有牽引作痛拒按者。必以清熱消瘀為主。小柴胡加赤芍延胡桃仁歸尾丹皮。凡經水適來而受疫氣。疫病雖發而經水照常自行者。不必治其經血。但治其疫邪。而病自愈。蓋病本未犯血室。故經血自行如常也。仲景所謂勿犯胃氣及上二焦。必自愈者。正指此。非謂總不用藥也。凡經水適斷而受邪者。經行已盡。則血海空虛。邪必乘虛而陷入血海。若見

腰脇及少腹滿痛者。大柴胡湯加桃仁赤芍。速其血室之邪始愈。凡婦人受疫。但見晝日明了。至夜譫語。即當詢其經期。以防熱入血室之漸。

妊娠

妊娠感時疫。須治之於早。則熱不深入而傷胎。當汗當清之症。當速治不待言。當下之症。尤不可遲。若因妊娠下傷胎之說。因循畧遲。則胎受熱蒸而反易墮。一見下症。速下其熱。其胎反安然無事。蓋有病則病受之。內無病則病不侵之。此經驗不誣者。妊娠受

疫當下失下。至於舌黑腰痛。少腹下墜至急。則其胎多死。腹中自欲墮矣。此時下亦墮。不下亦墮。然下之胎墮。母猶可救。十中二三。不下則母無生理。胎亦不能獨存。同一墮胎。而此善於彼。當明言於病家。而後施治下藥。雖三承氣皆可用。惟芒硝當慎。以其專主傷胎。非大實大熱大燥。不可試也。

### 小兒

小兒受時疫。悉與大人同。而時見驚搐。類於驚風。誤治多死。用大人治疫清解諸法。減小劑料以治之。則愈。小

兒不能言。遇當下症。既不知其譏妄。復難驗其舌胎。則當驗其唇。二赤而燥。即是下症。此幼科之要訣也。

瘟疫明辨方目

大青龍湯

六神通解散

九味羌活湯

萎蕤湯

大羌活湯

人參敗毒散

吳氏達原飲

小柴胡湯

炙甘草湯

柴胡四物湯

參胡三白湯

清脾飲

大承氣湯

小承氣湯

調胃承氣湯

人參白虎湯



黃龍湯

六味地黃湯

生脉散

四物湯

越婢湯

陽旦湯

黃芩湯

梔子豉湯

黃連解毒湯

小陷胸湯

導赤瀉心湯

猪苓湯

天水散 益元散

柴葛解肌湯

吳氏三消飲

六君子湯

歸脾湯

清燥湯

大柴胡湯

吳氏清燥養榮湯

補中益氣湯

三黃石膏湯

防風通聖散

逍遙散

瓜蒂散

葛根蔥白湯

平胃散

吳氏承氣養榮湯

涼膈散

四苓散

桃仁承氣湯

茵陳蒿湯

吳氏舉斑湯

犀角地黄湯

三黃瀉心湯

藿香正氣散

橘皮半夏湯

竹葉石膏湯

大半夏湯

理中湯

十棗湯

二陳湯

白朮湯

白朮加蒼朮湯

白虎舉斑湯

大陷胸湯

大陷胸圓

抵當湯

八珍湯

葛根苓連湯

麻仁丸

天王補心丹

荆防救毒散

倉廩湯

四君子湯

異功散

附子湯

吳氏安神養血湯

建中湯

普濟消毒飲

吳氏芩貝養榮湯

吳氏柴胡養榮湯

吳氏柴胡清燥湯

吳氏人參養榮湯

吳氏參附養榮湯

犀角大青湯

柴葛五苓散

瘟疫明辨方

大青龍湯

麻黃

桂枝

杏仁

石膏

甘草炙

加薑棗煎

六神通解散

趙法有川芎羌活細辛

麻黃一錢

甘草一錢

黃芩二錢

蒼朮二錢

石膏一錢半  
滑石一錢半  
豆豉十粒

加蔥薑煎

九味羌活湯

羌活一錢半 防風一錢半 細辛五分 蒼朮一錢半  
白芷一錢 川芎一錢 黃芩一錢 生地一錢  
甘草一錢

加生薑葱白煎

要藥湯 一方有乾葛無菊花

姜藪二錢半 麻黃五分 白薇五分 青木香五分

羌活五分 杏仁五分 川芎五分 甘草五分

石膏一錢半 菊花一錢半

白水煎

大羌活湯

羌活

防風

細辛

蒼朮

白朮

川芎

黃芩

生地

甘草

防已

知母

獨活

黃連

白水煎

人參敗毒散

人參

茯苓

甘草

枳殼

桔梗

柴胡

前胡

羌活

獨活

川芎

薄荷

加生薑煎

吳氏達原飲

檳榔二錢

厚朴一錢

草果仁五分 知母一錢

黃芩一錢

芍藥一錢

甘草五分

白水煎

小柴胡湯

柴胡

黃芩

人參

半夏



甘草

加生薑大棗煎

炙甘草湯

人參

甘草炙

桂枝

阿膠 蛤粉炒

麥冬

生地

大麻仁

加生薑大棗水酒各半煎

柴胡四物湯

柴胡

半夏

人參

黃芩

甘草

當歸

川芎

白芍

生地

加薑棗煎

參胡三白湯

人參一錢半 白朮一錢半 柴胡二錢 白芍一錢半

白茯苓一錢半

白水煎。若脉微弱。口渴心煩。加麥冬五味子。若煩。口苦。心下痞。加黃連枳實。若不眠。加竹茹。

清脾飲

青皮

柴胡

厚朴

黃芩

半夏

甘草

茯苓

白朮

草果

加生薑煎

大承氣湯

大黃

四錢酒

芒硝

二錢

厚朴

二錢

枳實

一錢

白水煎

小承氣湯

大黃

四錢

厚朴

一錢

枳實

一錢

白水煎

調胃承氣湯

大黃浸錢酒 芒硝 二錢 甘草 一錢

白水煎

人參白虎湯

石膏 知母 甘草 人參

加粳米煎

黃龍湯

大黃 三錢 芒硝 三錢 厚朴 一錢半 枳實 一錢

甘草 一錢 人參 一錢半 當歸 二錢

加生薑五片大棗一枚煎

六味地黃湯

熟地

山藥

山黃肉

茯苓

丹皮

澤瀉

新汲井水煎

生脉散

人參

麥冬

五味子

白水煎

四物湯

川芎

當歸

白芍

熟地

新汲井水煎

越婢湯

麻黃

石膏

甘草

加生薑大棗煎

陽旦湯

桂枝

芍藥

甘草

黃芩

加生薑大棗煎

黃芩湯

黃芩

香藥

甘草

加大棗

梔子豉湯

梔子

香豉

先煮梔子後入香豉白水煎

黃連解毒湯

黃連

黃柏

黃芩

梔子等分

白水煎

小陷胸湯

五月

方

七

黃連

半夏

栝蒌實

先煎栝蒌實後內二味白水煎

導赤瀉心湯

黃連

酒洗

黃芩

酒洗

山梔

薑汁炒

滑石

飛

知母

薑酒拌

犀角

鎔

甘草

生

人參

麥冬

去心

茯苓

各一錢

加燈心

生薑大

棗煎

猪苓湯

猪苓

茯苓

澤瀉

阿膠



滑石 各一兩

白水煎

天水散加硃砂名益元散

滑石 六錢 甘草 一錢

研細末井水或燈心湯調

紫葛解肌湯捷法加石膏一錢

柴胡

葛根

甘草

黃芩

芍藥

羌活

白芷

桔梗

加薑棗煎

吳氏三消飲

檳榔

厚朴

草果

知母

黃芩

芍藥

甘草

羌活

葛根

柴胡

大黃

加薑棗煎

六君子湯

人參

白朮

茯苓

炙草

陳皮

半夏

加薑棗煎

歸脾湯一方無白芍

人參

白朮

黃芪

茯神

棗仁

遠志

木香

當歸

白芍

炙甘草

加桂圓肉薑棗煎

清燥湯

蒼朮一錢炒白朮五分炒黃芪一錢半人參三分

茯苓三分黃連一分炒黃柏二分酒甘草二分

陳皮五分猪苓二分澤瀉五分升麻三分

柴胡一分 五味子九粒 神麴二分 炒麥冬二分

當歸洗二分 酒生地黃二分

白水煎

大柴胡湯

柴胡二錢 大黃二錢 枳實一錢 黃芩一錢

半夏一錢 白芍一錢

加生薑三錢 大棗一錢 煎

吳氏清燥養榮湯

知母 天花粉 當歸身 白芍

甘草

生地汁

陳皮

加燈心煎

補中益氣湯

人參

白朮炒

黃芪蜜炙

炙草

陳皮

當歸

升麻蜜炙

柴胡炒

加薑棗煎

三黃石膏湯

黃柏

黃芩

黃連

梔子

淡豆豉

府黃

石膏

加生薑大棗細茶煎熱服

防風通聖散又名雙解散

防風

大黃

當歸

芍藥

芒硝

荊芥

麻黃

梔子

連翹

甘草

桔梗

石膏

滑石

薄荷

黃芩

白朮

川芎

加生薑蔥白煎

逍遙散

柴胡

當歸

白芍

白朮

茯苓

甘草

薄荷

加煨薑煎

瓜蒂散

甜瓜蒂炒黃赤小豆

共為末熟水或薑水調量虛實服或用噓鼻

葛根葱白湯

葛根

芍藥

知母

川芎

加葱白生薑煎

平胃散

蒼朮

厚朴

陳皮

甘草

加薑棗煎

吳氏承氣養榮湯

知母

當歸

芍藥

生地黃

大黃

枳實

厚朴

加薑煎

涼膈散

芒硝

大黃酒浸

山梔

連翹



黃芩酒炒

甘草

薄荷

加竹葉蜜煎

四苓散 吳氏有陳皮無白朮亦名四苓散

茯苓

猪苓

澤瀉

白朮

白水煎

桃仁承氣湯

大黃

芒硝

甘草

桃仁

桂枝

白水煎

茵陳蒿湯

茵陳

大黃

梔子

白水煎

吳氏舉斑湯

白芍一錢

當歸一錢

升麻五分

白芷七分

柴胡七分

穿山甲二錢炙

加薑煎

犀角地黄湯

犀角

生地

丹皮

芍藥

白水煎

三黃瀉心湯湯液論有黃芩 保命集有甘草

大黃

川黃連

以麻沸湯漬之須臾絞去滓溫服

藿香正氣散

大腹皮

紫蘼

藿香

甘草

桔梗

陳皮

茯苓

蒼朮

厚朴

半夏麴

白芷

加薑棗

橘皮半夏湯

陳皮

半夏

加生薑煎

竹葉石膏湯

人參

半夏

麥冬

甘草

竹葉

石膏

加粳米生薑煎

大半夏湯

半夏

人參

白蜜

以水和藥密揚之二百四十遍再煎

理中湯

人參

白朮

炒乾薑

炙甘草

白水煎

十棗湯

芫花熬

甘遂

大戟等分

大棗十枚煮湯內藥末強人服一錢匕

三陳湯

陳皮

半夏

茯苓

甘草

白虎湯

石膏

知母

甘草

加粳米

白朮加蒼朮湯

即白朮湯加蒼朮

白虎舉斑湯

石膏

知母

甘草

人參

白水煎

大陷胸湯

天黃二兩

芒硝一升

甘遂一錢為末

先煮大黃去滓內芒硝煮一二沸內甘遂末溫服

天陷胸圓

大黃八兩

芒硝

葶藶炒

杏仁去皮尖各半升

合研取彈大一丸別搗甘遂末一錢白蜜二合煮

服

抵當湯

水蛭

三十斤熬黑

蟅蟲

三十斤

桃仁

三十斤

研去

大黃

四兩

酒

白水煎

八珍湯

人參

茯苓

當歸

熟地

白朮

甘草

白芍

川芎

加薑棗煎

葛根苓連湯

葛根

黃連

黃芩

甘草

白水煎

麻仁丸

麻仁二升

芍藥半斤

大黃一斤

枳實一斤



厚朴皮一尺去杏仁一升去皮尖熬別作脂

煉蜜丸

天王補心丹一方有石菖蒲四錢無五味子 方有甘

生地洗四兩 酒人參五錢 元參五錢炒丹參五錢炒

茯神五錢 桔梗五錢 遠志五錢去心炒 棗仁一兩炒

五味子炒兩 天冬心一兩去 麥冬心一兩去 當歸洗一兩酒

柏子仁去油炒

蜜丸硃砂為衣燈心湯下

荆防敗毒散

荊芥

防風

柴胡

羌活

獨活

前胡

川芎

枳殼

人參

甘草

桔梗

茯苓等分

加薄荷葉煎

倉廩湯

人參

茯苓

甘草

前胡

柴胡

羌活

獨活

桔梗

枳殼

川芎

加陳倉米生薑煎

四君子湯

人參

白朮

茯苓

炙甘草

加薑棗煎

異功散

人參

白朮

茯苓

炙甘草

陳皮

加薑棗煎

附子湯

附子

白朮

白茯苓

白芍

人參

白水煎

吳氏安神養血湯

茯神

棗仁

當歸

遠志

桔梗

芍藥

地黃

陳皮

甘草

加龍眼肉煎

建中湯 此小建中湯

桂枝

芍藥

甘草

白水煎

普濟消毒飲

黃芩

黃連

人參

梔子

元參

生甘草

桔梗

柴胡

薄荷

連翹

鼠黏子

板藍根

馬尾勃

白殭蠶

升麻

白水煎

吳氏養榮湯

知母

花粉

貝母

括萎實

橘紅

白芍

當歸

紫蘇子

白水煎

吳氏柴胡養榮湯

柴胡

黃芩

陳皮

甘草

花粉

當歸

白芍

生地

知母

加生薑大棗煎

吳氏柴胡清燥湯

柴胡

黃芩

陳皮

甘草

花粉

知母

加生薑大棗煎

吳氏人參養榮湯

人參

麥冬

遼五味

地黃

歸身

白芍

知母

陳皮

甘草

白水煎

吳氏參附養榮湯

當歸一錢

白芍一錢

生地三錢

人參一錢

附子七分炮炒乾薑一錢

白水煎

犀角大青湯

犀角上

大青中

玄參中

甘草下

升麻中

黃連中

黃芩中

黃柏中

山梔中

水二鍾煎一鍾

柴葛五苓散

柴胡

葛根

茯苓

澤瀉

終



跋

自又可出而溫疫明特其書流布於人間者尚寡吾鄉  
劉氏鏤板以廣其傳救世之心亦云切矣奈何世之人  
遵信弗篤終不能按證施方起沉痾而救夭枉也庚午  
秋吳子坤也持此本示余謂得自金陵客舍汪子紫峰  
見而悅之相與訂正者有年今欲壽諸梨棗以當寶筏  
余披閱再過其辨論詳明證治精備雖不習岐黃之業  
者亦可以對證檢方救危急於反掌也挽回造化之功  
豈淺鮮哉是書出而火接薪傳不惟又可孤即當日

捉筆之苦心與今日梓行之善舉均可不泯書之幸歟  
抑世之幸歟白沙臧錫麟跋